



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 182. Petarsco Bohemiæ Gubernator fatis functus

[urn:nbn:de:hbz:466:1-66507](#)

Sæcul. XV. mia insidias ei parabant, sed etiam ad potissimas Principum Germaniæ ditiones,
A C. 1448. quas Romam iturus peragraret, sicarios emittebant. Nihilominus tam provide

iter suum instituit, tantaque vigilantia ac studio a Principibus Imperii, & urbium Magistratibus, quorum terras pertransibat, protegebatur, ut tandem Hussitarum manibus ereptus, sanus & incolmis Romanam venerit, Papæ Legationis suæ rationem redditurus.

§. CLXXXII.

*Petarsco Bohemiæ Gubernator fatis
functus.*

Optimas hujus Legationis spes potissimum elusit dissensio Mainardum inter & Petarsconem, regni Gubernatores. Ille enim Catholicæ Religionis studio accensus primas eo curas intendit, ut avitas Patriæ leges, & sanam Ecclesiæ Romanæ doctrinam revocaret: Petarsco econtra, qui Rochisanam in paucis sibi carum Pragensi Ecclesiæ præfici, omni ope & opera contenderat, ægerrime tulit, Apostolicas literas tam avide expectatas longiori, ac nimium quæsita mora recusari. Nihilominus Mainardum tanto in honore habuit, ejusdemque virtutem admiratus est, ut nunquam illius consiliis palam obluctari, aut seditiosos,

quos

quos ipse castigandos judicaverat, aucto-Sæcul. XV.
ritate sua tueri auderet. Quinimo uni- A.C 1448.
ce, ut Mainardo obsequeretur, sententiam,
qua in eos ultimum supplicium consti-
tuit, sua quoque manu firmavit.

Obiit Petarsco tempore Bohemorum
tranquilitati admodum exitioso, & Po-
diebracum sibi successorem habuit, non
minori quidem, quam Petarsco Rochisa-
næ amicitia junctum, magis tamen si-
mulata, licet immoderata ambitione elat-
um. Jam ab illa die Bohemiæ solium,
ad quod aspirante fortuna postmodum e-
levatus est, descendere parabat; &
quamvis Bohemorum Hussitarum doctri-
na sibi parum probaretur, opportune ta-
men sectæ hujus ope supremum Regni
imperium sibi vendicare noverat, aliis le-
gitimis viis sibi undique occlusis. Co-
nabatur Mainardus intempestivo nonni-
hil zelo stimulatus, antiquos ritus jam
viginti quatuor abhinc annis abolitos in
Ecclesia urbis Pragensis denuo introdu-
cere. Podiebracius ex adverso illos tan-
topere abominari simulabat, ut Hussitæ
cives eidem proponere non dubitave-
rint, ut urbem invaderet, hoc enim cer-
tum fore medium, quo Missa juxta no-
vellæ Religionis præscriptum pro suo im-
perio liberrime celebrari posset.

O 3 §.CLXXXIII.